

新刻羣音類選

新刻羣音類選卷十三

虎林 胡氏 文會堂 校選

溉園記

後園相窺

懶畫眉碧蓮池上景堪誇。倒浸峯嵐浴翠霞。雕欄十
二鬪簷牙。天光雲影爭高下。更喜風來透碧紗。前腔
亭空雙瑞倚層屋。枝榦蕭條影半遮。蒼苔點點雜藤
蘿。願教沃土回生意。鳳舞龍蟠足歲華。前腔。怎能穀
中興。一旅整山河。倒效漆吏園中抱瓮歌。胸中忿憤
動星槎。雪窵夙夜圖恢復。寶劍嘗於夢裡磨。前腔。徐

徐抱瓮向岩阿，欲問天孫借玉河。銀漢分派動星槎，
從教一灌重青茂。龍有江山鳳有柯。

醉扶歸聽言詞壯麗，一似懸河瀉觀狀貌。玉山屹立
兩峰賒，風月襟懷。知值千金價，恨不得和伊試講三
分話。空教倚闌偷覷眼兒斜，只落得兩對面情相逐。
前腔恍疑是廣寒雲捧天仙子，又疑是翠華露浥蕊
珠花。國色天香教我難描畫，怎當他口脂暗送薔薇
麝。怪女侍故把他臉兒遮，幾時得赤繩綰定青鸞跨。
二犯傷粧臺漑苑遇仙娥，丁香示美真假意如何。問
花神含笑口，尋鵲渚。渺星槎，真如神女雲中下。自是

裏王夢裏家，暫拴意馬，待整鳳車，金蓮迎照，合歡花。

後園訂盟

月兒高，心高眼曠，霄漢等杯盞，混世無青盼，役漑輕
供帳倚定雕闌，悄悄兒畱情況，暗擲下丁香釵，意欲
我牢縈想，怎諧得河洲伉，忽聽得簷管響，隔窓行搖
玉珮鏘，前腔闌杆顛望，想睡熟錦雲帳，夢冷裏王寵
久住巫山上，教我無聊，空盼池亭傷叢叢，不改凌霄
狀，使我頓學心條暢，暗卜家邦事，可將從此寒灰重
吐光，前腔忽瞻亭上，柏竹綠雲障，心卜符連理，鳳友
鸞和侶，路隔銀河，烏鵲承虛港，看君行步非凡狀，你

好把真情講，休為花邊百和香。迷戀將伊大事忘。

玉交枝別離悒悒快，我心中轉覺慘傷。感卿贈我臨行

贈，自當銘刻心臍。腰橫寶劍虹吐光，氣吞巫峽襟懷。

壯合知幾時得諧鳳凰，知幾時得諧鳳凰。前腔懷難

舒暢，這眉鋒處損轉傷。心猿怕聽陽關唱，藕絲難挽

行囊。休將大事視等常，須知新膽為羶鮑。合前川撥棹

你恩同霄壤，教卑人頻記望。須有日報稱娘行，須有

日報稱娘行，幾能得同裁諫章。合這恩情，怎敢忘。這

恩情，怎敢忘。前腔。淚雨盈盈漬滿裳，歲月悠悠離恨

長。管有日重鎮家邦，管有日重鎮家邦，莫令人目斷。

楚襄合前十二時去去無勞頻佇望，隔斷紅塵各一鄉。待整備鑿車會洞房。

中秋燒香

六犯清音

梁州序

香燃金鴨，烟生玉兔，為問嫦娥結

果天孫何處，佳期隔斷銀河。

桂枝香

兀自瞻銀闕空

勞想玉珂

排歌

秋將半，恨轉多，露凝瑞柏冷仙柯。醉

扶歸

怎能得玉斧伐為柯，怎能得簫鳳共鳴和。皂羅

袍

你看月華明朗，桂枝影婆休將別恨感雙蛾。黃鸝

兒

嘆蹉跎，非關悵別，端只為山河。園林好，只為爹使

他園中灌花，誰知他青皇逸駕，但願得矢心無罅須

有日得相和，香柳娘莫將窓來影射，莫將窓來影射，
碧紗隔越，今宵難辨真和假，聽更籌幾也，聽更籌幾
也，雲籟寂無譁，冰輪碧空掛，想蘭房燈未滅，想蘭房
燈未滅，把雕闌再倚，同觀明月，前腔喜中秋景佳，喜中
秋景佳，銀河欲瀉，樓臺盡住光天下，我們是香閨素
娥，我們是香閨素娥，欲把彩雲拏，翦就鮫綃帕，把銅
盤玉屑，把銅盤玉屑，取向錦堂前，慇懃捧壽斝。

雙烈記

平康相敘

梁州序青陽纔至，鴻鈞初轉，就暖條風輕軟，辰良景

媚好將合盃傳，但願你伯鸞高節，德耀貞良，瓜瓞
多滋蔓，老身當暮景，得安然，始識吾兒絡繹賢。合花
燭夜笙歌院，乘龍女壻人，爭羨看喜氣，藹門闌。前腔
孤身囊罄，千山家遠，何幸娘行垂眷，器非坦腹，深慙
漫駐絲鞭，誰道有粧成玉鏡，孔雀金屏，始見嫦娥面。
紅絲無一縷，荷姻聯，始識丘山苗母賢。合前前腔叩
蒼穹，配合良緣，謝萱堂俯從奴願，喜英豪不弃，辱成
姻眷，他本是魁梧李清，奇表陶謙，我自非無見，他年
持節鉞，珥貂蟬，始識東鄰騏驥賢。合前前腔武陵溪
偶泛漁船，天台路喜逢仙眷，看香鬢舞袖，酒淹歌扇。

知你是華陽玉女，盛世仙郎。滿却今生願，雙雙歸畫
錦。永團圓。始識沙哥，崔嫂賢。合前節節高，雕盤裊篆
烟。藝龍涎，柳搖臺榭。東風軟，江梅綻。彩燕翻生盤薦。
胡桃鷓鴣紅，爐暖銅龍玉漏。冰澌淺。合莫把閒愁憶
故鄉。室家歡慶，真親眷。前腔金杯玉手傳，酒如泉羊
羔麟脯羅華宴。人歡忭，情愛憐。心畱戀。朱幃翠幙春
情綬。金花銀燭春光炫。合前尾聲。新春新景開新宴。
喜新人共駕彩鸞，看取新年樂事綿。

征途相遇

北新水令 統三軍星火，赴勤王貫長虹。寸心偏壯賊

臣謀叛逆，君相被摧傷。恨塞愁腸，恨塞愁腸。對東風，
倍悽愴。南步步嬌，陌上春歸，風光爽。日暖遊絲，颺風
輕柳絮，狂驛路山程。馬足車塵，灑回首，好悲傷。看九
重宮闕，煙霧障。北折桂，令走雙旌，飛捲龍光，疊鼓鳴
笳，掣劍橫鎗。憑着俺陣列貔貅，曾藏龍虎，血染豺狼。
只俺這運神機，奇行正往。那怕他恣橫行馬，壯人強。
離却平江，進取錢塘，好振軍威，再整朝綱。南江兒水，
緩縱青驄騎，迢迢去路長。山花零落，增惆悵。望前途，
不見勤王將。恨家鄉久別，萱堂養，無耐兩般勞攘。急
綰絲韉，料此會在秀州江上。北鴈兒落帶，過得勝令。

我只待要破長風，駕海航。只待要開大道，鋤荆莽。只待要撥雲烟，顯太陽。只待要正綱紀，誅妖妄。呀，只俺這忠憤塞穹蒼，血淚洒空江。愁逐征雲慘，心隨去路長。鷹揚殺氣有三千丈，強梁管教他今朝劔下亡。南僥僥令漫天塵土暗，動地鼓鼙揚。想是勤王兵和將，須是向轅門尋問訪。北收江南呀，你緣何只恁不忠呵，遂私自出錢塘。又不知怎生太后共吾皇，更兼賊子那行藏。却有何計量，憑甚人主張。須教從頭逐件說其詳。南園林好，朱僕射存心頗良。苗劉賊謀為不臧，遣苗翊臨平相抗。趨行在，可隄防。趨行在，可隄防。

北沽美酒帶太平令他姦驕心太不良掩忠烈性豈尋常本是萬火堅金百鍊鋼那記得私情可償祇知有君親恩固極難忘若說他亂家國肆行無狀惱得我髮衝冠氣滿胸膛拿住時須難輕放試昆吾剝為泥醬我呵你說他兵強將強任他似虎狼只說他望旌旗魂飛魄喪意不盡尾城狐社鼠羣為黨一鼓擒之淨廟堂辦取丹心答我皇

金山相勢

惜奴嬌 鼎鼎長江發岷山萬里赴海歸洋三吳地突起鷺峰江上真賞碧玉浮波蒼鷺搏風金鰲吞浪疑

望我只見倚天開樓閣棟飛簷敞前腔崖房石跨危
梁向江開竹筵小構僧房蒲團上且請暫閒塵鞅蒙
訪滿藝沈烟旋煮先春聊為供養披莽纒轉上妙高
臺正與海門相向鬪寶蟾蒼茫海月流光漾長波跳
躍萬條銀蟒吸青冥風露袂涼襟爽追想賦詩橫丈
槩擊楫誓長江事堪傷那異代豪華都付水流長往
前腔銀漢遠接江光拭青銅淨洗一天秋爽聽漁歌
忽斷晚風蘆港還想鯨飛邀月醉猿嘯引杯長進霞
觴莫負此良宵須放好懷歡賞錦衣香泛月江僧歸
舫濺佛棠鯨噴浪張祐孫魴令人遐想中泠泠濺齒

牙香消吾渴吻，滌我枯腸，待臥吹簫管。上揚州許誰
豪放，吞海亭虛敞。江光四望，欲駕天風恣遊蓬閣。聚
水令頭陀洞，蟒蛇飯向，郭璞墩蛟龍隱藏。燃犀昔日
事荒唐，風流江左，曾羨周郎，霸王業俱蒿莽。空勞鐵
索沉千丈，金尊罄，金尊罄，好酬佳况。銀蟾墜，銀蟾墜，
須整歸航。意不盡，明朝又逐紅塵壤。唯備衝風破浪，
枕櫓旌旗，殺滿江。

邀友遊湖

甘州歌 湖山勝覽，向錢塘門外，漫整行鞵。葛巾野服，
無拘樂事無邊。花間酒家張翠幃，堤上游人逐畫船。

餘寒峭麗日暄清明幾處有新烟松間月竹裡泉酒
邊舊侶漫畱連前腔行行至水邊喜斷橋堤口柳柔
莎軟揭天簫鼓重湖深處喧填玉膏滿尊新市美銀
鱖堆盤苜菜鮮紅香岸碧樹灣青絲纜引木蘭船風
光好景色妍綠楊如髮雨如煙前腔蓬窓青幙懸見
湖光十里淨鋪冰練蘇公堤上桃腮柳眼爭妍六橋
豔陽還若昔雙鬢蕭騷不似前杯重勸興欲翩百壺
那送酒如泉尋蘭芷過藕川葛巾欹側未回船前腔
平湖野寺連見青松運轉白雲門掩翠微僧舍暫來
一餉談禪試烹建州雙鳳餅汲取吳山第一泉岩阿

下水石邊懸，知此地是神仙。投袂老，結淨緣，多間數
得上方眠。

皂角兒過孤山處士梅園，挹清風後人難見，憩西冷
放鶴亭前，見酒家青旗招飈，九里松石屋洞，兩高峰，
三天竺，嶺迴溪轉，暖風十里，麗人好天，更堪憐薜蘿
深處，梵磬時傳，前腔羨，栖霞路接靈源，汎桃花胡麻
仙飯，拜觀音大士山巖，發慈悲度人弘願，又早到獅
子山，呼猿洞，北鷺峰，南屏嶺，萃奇深遠，烟中列岫，夕
陽遠，天欲言，還行歌互答，歸路聲喧，餘文蹇驢輕香
塵軟，餘情付湖水湖煙，明日還尋載酒船。

虎符記

托孤分別

憶多嬌你言既出當努力花門宗祀皆汝責怕途路
強梁還相迫合無限胸臆無限胸臆死別生離頃刻
前腔言忘食當盡力報恩全義在此日莫道是裙釵
無荀息合前鬪黑麻我死不與將軍得同窀穸你生
須與將軍保全弱息逢險處好藏匿全仗相如計完
趙璧合存亡異域欲言先淚滴瞬息之間瞬息之間
天南地北前腔我安樂彌年不離旦夕今患難來臨
忍教他適為存宗胤報恩澤義重程嬰甘心困厄合

前

孫氏存兒

香羅帶、毘罔被火燃，非徒瓦全，奴身若死兒怎延。想當時美玉產藍田，也是我推乾燥，視飢寒，如今抱你來風宿水窠，不道你提抱之年也。歷盡人間行路難，前腔兒啼是偶然，望君恕憐，今番若再啼，當棄捐你。哀哀父母各一天也，相依倚，相周旋，多應又與我分開兩邊，分明是割股延年也。須信道存孤難，上難。

漁舟寄子

懶畫眉，水雲深處泊漁船，晒網歸來自在眠。草繩將

就把船牽縱然一夜風吹斷只在蘆花淺水邊前腔
歧疑將種有誰憐燕額鵞肩貌宛然生憎毒手怎遮
攔今番拋擲應難免百萬軍中把阿斗全前腔蒲團
策枕正酣眠何處人呼似乞憐你黃昏何事到江邊
朦朧不辨來人面你不見夜靜江空月滿船前腔枯
魚何意錦鱗鮮要帶子跳龍門不得前暫時寄食望
周全饗餐先已酬釵釧你莫把我孩兒做冷眼看

孫氏墮江

駐馬聽豺虎縱橫甫脫俘囚抱影行只見半江帆影
幾點殘星萬籟無聲想蘆花深處小舟橫向白蘋岸

上尋幽徑野渡無人待叅消息金瓶落井前腔似泛
槳漂萍那裡是驪珠在掌上繫看他面龐黑瘦體骨
零丁空有頭角崢嶸他輕舒猿臂睡初醒睜開鳳眼
將娘認將逐符行存兒延祀畱符作證駐雲飛欲往
金陵要借扁舟一葉輕乘夜堪前進況遇江潮順喙
貫鈔豈辭盈須防風信到岸之時外有斯須贈死裏
逃生已得生只怕前途有賊兵箭腔殺氣騰騰風鶴
須知盡是兵人衆難奔命船小容不盡喙并力與齊
心把船搖近須用撓鈎搭住休教遁借你的船來載
我們請你下江心祭水神

山坡羊急煎煎無端凌迸虛飄飄怎生扎掙魂搖搖
未知死生昏騰騰似夢方纔醒我命已傾只可惜存
孤事不成竈鬻出沒畢竟遭毒吻又有吹浪江豚磨
牙如刃傷情死比鴻毛一樣輕芳名難比湘潭葬屈
平前腔莫不是西來的折蘆堪凭莫不是東吳的鐵
鎖橫亘莫不是龜龍効地靈莫不是泗水浮來磬喜
又驚莫不是仙槎特地迎好似凌波仙子縹緲驂魚
乘破浪乘風今番發軔浮生似大海茫茫一葉萍餘
生難道便隨波逐浪行前腔你本是棟梁材翻為漂
梗你本是條喬貢翻同牽荇想你未遭逢匠石驚為

甚的生意婆婆盡是女貞心圖合抱成指望桐孫楓
子枝葉扶疎盛因此乘渣奔潮江河俄頃相憑大樹
由來號友生英靈合拜秦官受漢稱

定邊說降

北新水令一身蹇蹇媿王臣一身蹇蹇媿王臣到如
今已甘糞粉榮枯如木槿進退蹈迷津空有經綸跳
不出魔王陣步步嬌朝來奉令把花卿問不免勞唇
吻辭虞已入秦就是插翅能飛已須降順空老濟時
身身膏草野誰憐憫北折桂合算天涯七尺羈人願
醢翽虞請脯麒麟似燕歌在易水之濱豺狼報本蜂

蟻君臣只因為曹沫劍早已寒盟因此上蓋明舟無
計堪焚說甚麼舍舊圖新甫能殼靜掃邊塵少不得
感分遺身江兒水大國儲材俊登庸似積薪你後來
應早佩黃金印他千金不惜收神駿何須苦執溝中
信人生百年一瞬你若耍圖歸空望斷酒泉之郡北
鴈兒落帶得勝令休道我望生還怕殺身休道我懼
兵威辭白刃羨樂成謝晉卿慕譙秀辭凶命是男兒
許遠共張巡豈非親却是親要取義須全義論求仁
必得仁君親怎肯把吳越為秦晉孤臣拚一箇歸魂
謝紫宸僥僥令功名要早奮事業要及晨只怕漸漸

秋霜將侵髻，那裏是春華肯待人。北收江南呀，自當
時委質既為臣，這身兒豈吾身，便做個斷頭延頸重
彝倫，須知我精誠貫日氣凌雲，任從他怒嗔，任從他
怒嗔，情願把身為鼯鼠，試千鈞園林好論人，臣須當
致身，在將軍經歷苦辛，心一轉脫離輿櫬，當握手見
轅門，旬日裏擁朱輪，北沽美酒帶太平，令我歌薤露
似長春，我歌薤露似長春，探蒿里似通津，把一寸丹
心質鬼神，向冥漠任吾真，那降虜的是何人，便生存
不如煨燼，許太守也須相引，王院判自然相近，我們
生和他同寅縉紳，先須做箇比鄰呀，大將軍謾勞評

論尾聲鰲魚不餌空勞頓苦語甘言漫與陳爭柰夜
靜江寒枉下綸

采蓮哺子

月兒高驚魂初定徬徨睡方醒纔離得風波險又早
是飢荒境忍見兒啼有甚充飢饑我腹餒猶然苦他
腹餒如何忍怎得於菟哺令文正是路若貧時愁殺
人前腔行行前進荷香逼人近日照方艷露濕蓮
房潤果是益氣輕身且採摘充飢吻但得兒安穩我
自忘勞頓好似菱角淮南濟歲貧強似馬踐園葵泣
婦人前腔天憐佳胤顛危賴相引豈是萍實甜如蜜

有吉先傳信，似食柏餐松，入口生津潤，肉取心還舍。
甘苦從吾村，就是採蘋繁，去薦神，豈但桑堪林間救
餓人。

雷公指引

集賢賓 我金環皓腕曾雪藕，如今在洲上淹留，子母
榮榮相厮守，與鷗鷺魚蝦為友，似花殘枝瘦，怎禁得
雨欺風驟，雙眉皺，眼波兒一謎傷秋，前腔蓮房摘來
非吾有，教人驀地含羞，那裡是嚙雪餐糲充餓口，這
薇蕨怎生消受，趨前退後，應不免主人相咎，應倂憊
步纔移，又早回頭，鶯啼序，蒙頌法旨救女流，知他已

在汀洲可憐他。遙退懷愁也。知天意當佑。這蓮塘是
吾家管收。儘採摘不妨糊口。知得否。那辛苦到似伊
子母。前腔江中兩人身已覆。幸逢一木漂浮。正弄着
明月蘆花。因此上。淡旬迤逗。奈枵腹無從療醫。採蓮
實暫充黃口。蒙相宥。比漂母一餐加厚。琥珀猶兒墜
金陵咫尺。要去莫羈留。樹裏依稀是石頭。同行不用
駕扁舟。不謬管教你指日。得拜龍樓。前腔追隨杖履
身世似飛鷗。二水三山一望收。香車滿耳聽鳴騶。輻
輳看繁華陸海。已是皇州。尾聲天憐節義。須默佑。來
日平明拜冕旒。好訴哀情乞報讐。

鳴鳳記

二臣哭夏

紅袖襖他恃着屠龍手氣冲天誰想道騎虎勢行山
險他做了蕭望之逢石顯他做了趙宣子遇屠奸他
做不得亡家遠竄的窮張儉怎學得辟穀歸山的松
子仙早知道功高望重招讒也爭似桑田十畝閑前
腔他只指望並鸞班馳後先誰想道獨飛鴻遭冷箭
他是箇李林甫腹中劍他是箇李猶兒笑裡奸他待
學妨賢病國的盧監面何異那平生奸偽的老曹瞞
可惜你當朝倚重元臣也却被牢籠入死關前腔他

也曾鳳池環珮賜經筵，也曾龍樓著作修墳典，他也曾和羹妙手調金鉉，他也曾舟楫宏才濟大川，縱然使蕭相國拘獄犴，難道比淮陰侯付市廛，今日呵亮工補闕俱忘也，須信為臣難上難，前腔驚得我戰兢兢歪了鐵豸冠，驚得我慌忙忙失了白象簡，驚得我氣漫漫沖倒了朝陽殿，驚得我鬧炒炒踢綻了皂靴尖，做甚麼持風裁烏臺憲，那裡有敢回天青瑣言，今日呵擎天柱石俱頽也，一死須教輕泰山。

東甌令承鈞旨親視閱萬刃叢中穿破穴，赤身綁縛鬚蓬鬆，領後旌旗插虎狼，開吻同蛇蝎，膽落心驚裂。

前腔畏奸雄言路絕面面相看聲痛咽低頭惟願早
歸泉淚滴湘江竭喧聲震動刀飛雪斷却常山舌四
邊靜太山頽陷梁木折憑誰挽傾轍憂國更思臣衷
腸大刀折合傷心事切淚難徹萬里接天江長流怨
臣血前腔孤忠此恨何時滅無辜死縲絏朝隣亂南
山妖氛蔽忠烈合前前腔銜冤負屈心千結無由告
金闕怨氣滿乾坤今生與誰雪合吞聲飲泣故人別
荒草暗愁雲啼鵲帶歸血前腔兔亡鳥盡良弓絕空
勞盡臣節寄與後男兒休將簡篇閱合前

妻妾分別

尾犯序雙壁種藍田舊燕新婚恩情非淺而潤雲濕
忽遇他妖虹驚電滿承望蘭芽瑞茁誰料道江沱流
散分明是鵲鳩同處一矢盡驚殘前腔數載見星還
感荷仁慈情同排鴈飛鳥依人今做了喪家之犬嘆
今夕難畱信宿知明日何方投竄從今後雲山兩地
一樣落風烟黃鶯兒樓閣老忠賢為讒邪落整淵一
家零散如飛霰形分鏡鸞恩離枕鴛訴衷情不見生
前面恨綿綿何時同穴重締再生緣前腔俄爾太山
顛望中堂散冷烟花殘玉病愁何限血流草川人離
故園長江瀉不盡今生怨泪漣漣萬般哀苦腸斷夜

帝猿猫兒墜官居清白無有買山錢蓋世功勳未入
鐫楚峰雲斷驟風前追真望耿耿英靈庇我歸園前
腔陰靈雖遠忠義在人間寡鵠孤鸞苦棄捐明朝楚
越兩情牽休怨願夢寐相隨永作雙鴛棹角兒恨豺
狼勢惡滔天悲鸞鳳並遭危蹇為亡夫愛惜花鈿到
杭城潛居鄉甸告穹蒼并亡靈同默佑早誕麟男合
離情相戀淚眼相憐嘆一家冰消瓦解曷勝悲怨前
腔荷深恩得侍幃前蒙大難各思飛遠念娘行未歷
塵烟望維持保全釵釧告穹蒼并亡靈同默佑永慰
慈顏合前前腔遇衰年善保朱顏念恩母路途須眷

育嬰兒節操須堅效程嬰始終勿變告穹蒼并亡靈
同默佑早返家園合前尾聲痛分離腸裂斷今生未
卜見儀顏夢裡除非可再圓

採桑相遇

一江風謾携筐緩步蒼苔壤泥軟鞋痕嵌逐遊蜂抖
住小桑條扯得雲鬟亂綠葉應青衫綠葉應青衫織
織素手忙聽鷓鴣兩兩聲嘹亮前腔嘆才郎苦志學
文章似繭絲同樣趁今時收拾化工春預作經綸釀
綉口錦為腸綉口錦為腸終成補袞裳羨斷機教子
功無量前腔到村鄉悽慘情千狀渺渺魂飄蕩苦窮

途歷盡了風霜，瘦損了花模樣。一日幾迴腸，一日幾迴腸。如禁萬刃芒，別離愁都撮在眉尖上。

步步嬌，莫不是荆釵節婦投江上，莫不是塞外寒衣嫌，豈是箇桑間遊冶娘，莫不是曾母踰牆，緹紫訴枉思忖，這悲傷教人疑慮難消暢。
前腔 我不為着春山憔悴，思張厥不為着鵲渡銀河朗，豈為着陽臺夜夢寒，不為着南浦雲飛西廂月上，提起這灾殃，教人未語腸先斷。

玉胞肚 乍離閨幌，遇飄零其實可傷嘆。一門飛絮風狂，念孤身弱草濃霜，相依撫字，如同漂母庇韓王，慰

我顛連在異鄉，前腔裙釵雅淡，在流離動止有常，縱
含着警海寬山，應須有玉茁芝香，相逢如故，公孫重
見太平庄，永保孤兒育遠鄉，前腔情懷慨慷，荷相畱
大義怎忘，苦長途水宿淒涼，幸今朝萍跡粗安，天涯
翹首，斷雲衰草在何方，安得同歸返故鄉，尾聲遇艱
難，休悲愴，依人飛鳥暫相將，忽憶京華富貴場。

修本勸夫

解三醒恨權臣協謀助黨，專朝政顛覆乾綱，我寫不
出他滔天的深罪樣，我寫不出他欺罔的暗中腸，我
只寫他一門六貴同生亂，更兼他四海交通貨利場。

還思想畢竟是衷情剗切面訴君王前腔嘆孤臣溝渠誓喪祇為那元惡猖狂怪當朝無肯攀庭檻又誰肯敢牽裳我只是一心要展擎天手管不得十指淋漓血未乾還思想只須這淚痕血迹感動天王太師引細推詳這是誰作响心中自忖量敢是我亡親垂念須教你萬古稱揚何慮看宗支淪喪縱然恁哀千狀怎能阻我筆底鋒芒也強如李斯夷族趙高亡前腔這是幽冥誰劣像似教我封章勿上怎當我慙言方壯你休得在此恓惶想是我忠魂遊蕩到死時也做箇勵鬼顛狂生如寄死誰曰難須知安金藏剖腹

屠腸

啄木兒聽哀告說審詳自古道從容就死難念曾公
忠義遭傷痛夏老元宰受殃看滿朝密張羅雉網前
車已覆須明鑒你休要無益輕生得絕大綱前腔何
須泣不用傷論臣道須扶綱植常罵賊舌不愧常山
殺賊鬼何怯睚陽事君致身當死難你休將兒女情
縈絆也須是烈烈轟轟做一場三段子此心何壯砣
睜睜銅肝鐵腸這苦怎當哭哀哀兒啼女傷譬如杞
梁戰死沙場上其妻哀泣長城斷千載賢愚總堆黃
壤歸朝歡兒夫的兒夫的節重義堅頓忘了終身依

仰從今後從今後大卜存亡是伊家自詒灾禍倩誰
祈禳我明朝碎首君前抗你將我屍骸暴露休埋葬
須再把義骨忠魂贖上蒼

典刑死節

耍孩兒 團團桎梏皆天譴把事付東風休嘆怨你鐵
肝石膽真堪羨邊城萬里方遭貶邊城萬里方遭貶
嘆今日兵曹又受顛少微月犯多灾變你本是箇皇
朝柱石埋在相府塵烟前腔羨君家立志堅為朝
廷去奸謹言直犯君王面號神泣鬼驚護險號神泣鬼驚
護險正氣漫漫塞兩間貴戚權收斂本待要名標青

史先做了命染黃泉前腔念吾兄節義全衆流中獨
挺然歲寒松柏當朝選忠誠要剖葵心獻忠誠要剖
葵心獻折檻無功反受冤吞却魚腸劍俺非是江州
司馬也落得淚濕青衫前腔嘆逢遭命運艱更臨刑
遇雪天囊頭三木刑何慘你足疲指折猶難免你足
疲指折猶難免須與地下龍逢作比肩血濺朝陽殿
俺非是蘇州刺史也須知惱亂愁腸前腔纓冠束髮
塵生面似縲紲俘囚同執轡鬼門關上空畱戀你一
腔忠義惟天鑒你一腔忠義惟天鑒六尺微軀無計
全千古興長怨今日可將臨刑別酒斷送了合盃前

緣前腔看愁雲怨滿天痛生離死別間須臾七魄無
從見牽襟結髮今朝斷牽襟結髮今朝斷腸裂空山
哀月猿剝不出傷心劍本是箇飛黃千里今做了帶
血啼鵲

江兒水我魂離體魄喪泉痛思鴛侶遭飛箭你存一
點丹心明素願翻成白刃流紅菫禍比史蘇尤慘仇
海冤天對着誰人悲怨前腔再啓吞聲愬重開染血
箋粉身猶要將尸諫我兩兩哀鳴如鳥怨人之將死
其言善萬里君門難見我同到烏江免使亡夫心眷
前腔夫為綱常重妻能節義全雙忠九烈誰能先光

岳千年鍾氣鮮，君明臣直孤貞顯。萬古清名不殄，碌碌奸庸，顧此獨無覩覩。

林公祭郭

北新水令自違道範信音稀，自違道範信音稀，為傳旌久淹蠻地，老微軀脫禍機。念深恩難報德，盤根利器，豈知先喪在鎗鋒底。南步步嬌堪傷人，菱山頽矣。嘆枉受了虛名利，枝頭杜宇悲聲聲叫斷，故人愁緒。秋江已有美鱸魚，無端天外飛鎌墜。北折桂令痛追思舊日相隨，德業文章，斗重山齊慶遭逢。身上瑤池名登紫闕，御燭迎歸，祇為驅奸賊。一行諫書把前功

半途輕廢廣受知幾誰想道種豆南山又把恁重做了擊缶揚揮南江兒水說到傷情處難禁珠淚垂玉堂金馬輕遺棄清流投向黃河際楚歌江上秋風碎泉底幽魂舒氣同掩黃沙佞骨尚欺忠義北雁兒落擺着那躋踰險躋躄鼎儀獻着那眼睜睜賊首級望洋洋招義氣聽轟轟吞佞鬼恨只恨檜雖亡飛先死忠和佞兩成灰拭不乾萬古江山淚咽不住千年風木悲恩師俺念着君親師事同一體思之這冤愁千年萬載不盡太平車南僥僥令鼎湖龍遠去華表鶴歸遲終古王孫無覓處徒使涕交頤怨着誰北牧江南

呀早知道禍機隱伏呵誰羨掛冠歸便做了子陵清節
也來追仕途危殆有如斯總不如漁樵牧兒總不如
漁樵牧兒因此上英雄長使泪沾衣南園林好對英
靈香銷寶玦挹忠魂言如在耳思功績杳然天際須
指日復官彝追配享永流輝北沽美酒思歸引更作
泣顏回巡江渚反做了弔湘悲功在人仁事已非空
雷着墮泪碑豫章城總是愁城洪都地皆成怨地朝
政有清寧時節奸佞有驅除之日可惜恁為國忠勳
今在那裡堪悲堪悲若要見恩師呀除非在簡篇中尋
此遺語尾聲身騎箕尾歸天去氣作山河匡帝里願

與完節睚陽同厲鬼

祝髮記

議寫婚書

紅袖攬他那裡戲釵梳似土苴他那裡觀衣袍如敝
徒教我似東方空羨侏儒米鄰婦徒憂漆室葵終不
然食肉糜終不然羅雀鼠若論米價須騰貴也他
當做買娉婷十斛珠前腔說甚麼十斛珠使我疑莫
不是為十斛麥要易故妻為甚的羞答答愧恥泪盈
盈閣兩頤早晨來作糜今將去奉母幃問時節我只
說你尚未回來也且使他開懷進一匙前腔這話在

舌尖兒羞怎題、算將來薄倖名難躲避、這百夜恩咱
怎背、那三分話要你自推為孝、鯉要拆開比目魚為
靈、萱要分開連理枝、你若肯自鬻其身也、做箇裙
釵中百里奚、前腔、你要我做野鴛鴦、逐隊飛、你須效
寡鴻鵠、失故侶、堂上元非仲卿母、下堂已作焦氏妻、
譬如嫁廝養的邯鄲女、譬如嫁烏孫的漢公主、我行
時須別高堂也、你何計支吾慈愛姑、

羅帳裡坐、當初嫁伊、也要事姑盡禮、今日又嫁誰、也
是為姑活計、婦非永訣、姑難存濟、須知你不是薄倖
的、也只要事親為子、前腔、當初娶伊、庚帖在此、今日

又嫁伊把婚書付彼鸞孤鳳隻都付與兔毫繭紙自
慚身做負心的怎與賢妻做主前腔為姑易米自合
輕身而去為夫守義又合潔身而死他見吾就死畢
竟又來索米須教生死是他的方使他無翻悔前腔
無端棄妻只是為親易米妻若守義算他必來追取
親饑妻死可不兩無巴臂自慚空讀五車書不及婦
人之智

隱情別姑

步步嬌蓬蒿三徑遭兵燹舉目添悽慘兵荒甚歉年
斷火絕烟有幾家炊爨佳兒佳婦總堪憐晨昏竭力

供餐飯(江兒水)且把愁眉展休將淚眼彈向慈幃強
做歡顏面暫時携手須分散參商倏忽應難見同上
高堂供膳粗糲盤餐那得子平白粲(五供養)隨時豐
儉若論儒家清苦須諳况經兵火後人總凋殘虧你
支持早晚早晚我幸然強健只愁糧米盡開口告人
難三口流離寸腸俱斷(玉交枝)婆婆休嘆容媳婦略
陳一言我經年與寡嫂不相見如今他住在長干他
家米饒負郭田借米來助齊眉案媳婦去他必慨然
待清平我支祿送還(川撥棹)兒薄宦漫有祿不能養
廉未知他肯否周旋未知他肯否周旋怕親情不似

往年求人事，難上難。倘推辭，又枉然。前腔我我的真
情，怎敢言。我的柔腸，轉覺痛酸。霎時間，永別堂前。霎
時間，永別堂前。急煎煎，教我如何強顏。暫出門，免掛
牽。與你孩兒同往還。尾聲兒，今同去，還同返。數里之
程不遠，莫使娘親眼望穿。

憶多嬌。母老年，妻少年。欲求口實難，兩全為孝養。捐
軀誰似你賢。合。滿目烽烟，滿目烽烟，恨殺離鴻斷猿。
前腔。別思牽，各黯然。血淚都成紅杜鵑，死別生離瞬
息間。合。前。鬪黑麻。我只為饔餐，要扶持暮年。因此上
把琴瑟都成斷絃。從今去，各一天。只怕我慈幃念伊。

損顏合相持淚漣吞聲無片言若要重逢若要重逢
除非是夢中枕邊前腔我雖則為兒夫把蘋繁曲全
還須為家風把松柏操堅從今後永棄捐只念你慈
親形隻影單合前

親迎領差

北朝天子九華燈總燃八音樂並喧七香車半掩桃
花扇孤星已散喜三星在天五花冠芙蓉面合唱吳
歌在左邊唱楚歌在右邊哪噠哪噠哪哩噠看三軍
十分懽忭十分懽忭願雙雙常作伴願雙雙常作伴
鎖南枝笙歌沸燈火燃一行斷送人少年他道是

好姻緣交甫珮，贈洛川這碇碇，怎得種藍田。（北朝天）
子五雲裘覆鞍，五明馬着鞭，十二行早中金釵選，三
回五轉，請一人向前，八珍羞排芳宴。（合前）鎖南枝銀
箏弄錦瑟絃，琵琶為誰馬上彈，三復柏舟篇，何須綠
珠怨，你聯姻日是我絕命年，笑殺楚襄王，空自夢巫
山。（北朝天）天子一封書早傳，一支兵度關，五方旗
早奪合歡扇，雙旌展轉，三通鼓早傳，五行中姻緣淺。
（合）歌聲在那邊，軍聲在這邊，哪噠哪噠，哪哩噠，歎孤
軍又遭磨難，三山路遠苦衝鋒，先鏖戰，苦衝鋒，先鏖
戰，鎖南枝。綏山月，玉井蓮，須知可望不可攀，謾說挾

飛仙天風能引船，勾銷了冰人簿，塗抹了月老編，他
指望學乘鸞，依舊跨征鞍。

負米夜歸

駐馬聽愁鎖眉峰，花落空庭，暝色穠，聽得譙樓戍鼓，
遠寺疎鐘，極浦歸鴻，想孩兒媳婦去匆匆，到伊必定
叨陪奉，我悶倚房櫺，待他不至，教人憂恐，前腔離恨
無窮，拭淚敲門，怕雙眼紅，我言辭虛哄，你若知此情
踪，怕你瘦臉消容，一聞稱貸便相從，說親情患難應
相共，畱彼從容，去時冒險歸，須持重。

空閨思念

楚江情，我想登堂喜事姑，慈顏以和，誰知平地起風波，包羞忍恥，沒奈何也。旋拋箕箒，忙投網羅。當時便拚身命殞，到如今兀自蹉跎。到如今兀自蹉跎，歲月偷捱過，探親畱住奴，道探親畱住了奴，爭知賣了奴。多應是少年人先上黃泉路，前腔追思伉儷初，琴瑟和，誰知拋棄在中途，只是爭教烈女經二夫也。香消粉蝶，愁攢翠蛾，空閨怎禁泣向隅。雖然你不是秋胡，雖然你不是秋胡，我自做箇秋胡婦，奴身值甚麼。怕婆婆再三問奴，你怎生發付他，難道說相逢只在朝和暮。

遣子探聽

懶畫眉芙蓉小苑入邊愁野老吞聲哭未休鷓鴣空
自泛寒洲落花流水仍依舊遠害朝看麋鹿遊前腔
白雲猶似漢時秋晉代衣冠成古丘只怕長安不見
使人愁一自秋槐葉落空宮後那裡有絳幘雞人報
曉籌前腔他好似烟花三月下揚州教我日日悲看
水獨流那些箇鳳凰臺上鳳凰遊我別離不慣難禁
受催得吳霜點鬢稠前腔閑雲潭影日悠悠物換星
移幾度秋自從春山無伴獨相求如今西風人比黃
花瘦那裡是別有仙人洞壑幽

分食寄姑

二郎神時珙寒少不得取義舍生難苟免信熊掌和
魚怎得兼便有龍肝鳳髓也只合齧雪餐瓊這麟脯
駝峰堆滿案總則是臥薪嘗膽轉憶我舊齏鹽怎教
人努力加餐前腔羞慚追念合盃和誰把盞只索要
推碎金罌并玉椀除非是中山千日酣來死去重還
那裡是惟酒忘憂憂易遣料狂藥怎破除恩怨轉覺
釀愁煩怎教人中聖中賢集賢賓你戾門一入天樣
遠枉終朝淚濕青衫已去韶華難再返沒來由鏡塵
粧懶衣寬帶緩怎禁得粉消紅減空相勸為甚的鬼

病恹恹前腔慈悻悻愛成拋閃怎能殼菽水承歡他
淡薄饗餐難過遣縱膝前有兒為伴止是尊羹蔬飯
幾曾有肥甘供膳况且經離亂就要買魚蝦那得閒
錢黃鶯兒他孝義實堪憐為慈悻鎖翠尖晨昏對食
常嗟嘆餼分割鮮醪分醴泉都将收拾與你通誠款
把盤餐做梅花春信暗遞到窓前前腔痛憶北堂萱
燭成灰泪始乾春蠶到死絲難斷你仁慈見憐把微
誠代傳千金一諾恩非淺轉悲酸這衷情欲訴哽咽
不曾言琥珀猶兒墜匆匆囑付語句未周全只合與
兒夫備一餐姑還知道這冤牽摧殘怕未曾下口先

損慈顏。前腔無端琴瑟撥動舊時絃。引惹春愁泣杜鵑。藏頭露尾。遮攔他高年。莫須為籠鳥。斷送啼猿。

連磨點化

啄木兒。你西來意。吾道東。儒釋從來道不同。你那觀世音。是水月浮踪。釋迦佛。是幻出形容。我平生誦法。周和孔。持身要把彝倫重。怎教我削髮披緇學苦空。前腔溝中瘠。塞上翁。反袂何須泣道窮。既不能正室。空家。那些箇子。孝臣忠。迷津苦海波濤湧。慈航寶筏。須持空。這是一法通時萬法通。前腔遭國難。避虜鋒。身世飄搖類轉蓬。既不能快觀雲龍也。須索訪道崆

峒折衝尊俎君門壅周旋俎豆親恩重怎能勾全節
全身患難中前腔你且辭雙闕別九重何必羈身在
澤宮不思量婦哭遺簪也難憑人得亡弓鶴班豹尾
須旋踵龍宮雁塔當持捧須強似混跡銅駝荆棘中
三段子七覺怎弘賴師慈雙林聽鐘三昧怎通賴師
慈四禪步風埋名晦迹在蓮花洞澡身浴德金池共
管取彼岸先登跨鉢龍

知媳消息

山坡羊你眼睜睜與孩兒同去一聲聲推說借米去
匆匆只道便回痛煞煞先已成乖離我那媳婦的兒

只怕我老年人痛惜，因此把一天愁假做，假做權時
喜，因此方知將伊輕棄，合傷悲，不到頭的孝與慈，傷
悲不成雙的夫與妻，前腔他哭啼啼拭不乾的紅泪，
亂茸茸理不清的愁緒，羞答答展不開的翠眉，絮叨
叨說不了的心中事，減玉肌，懨懨只為伊，算將來總
是總是消魂處，舉筋愁生，和愁將寄，合前前腔他喜
孜孜，是承歡的情緒，勞碌碌是辛勤的力氣，軟溫溫
着人的性兒，美津津可口的烹調味，舉素時齊眉似
孟姬，我衰年廝守，指望終依倚，一旦分離，柔腸欲碎

合前

二犯傍粧臺，你自尋思。自古通娶妻為養，那裡有養
母反拋妻，豈不聞陳蔡絕糧窮孔氏，豈不聞首陽山
下餓夷齊。你只要香稻啄餘鸚鵡粒，那些箇碧梧棲
老鳳凰。枝眼前無婦，枉了進食有兒，教娘腹飽眼中
饑。前腔母氏免嗟吁，不能養志，慚愧做兒的。念趙咨
惟一母，學孔氏出三妻，譬如王吉出妻，因啖棗曾參
去婦為蒸梨，新愁已舊，舊愁漫題。早難道無婦不成
兒。

撲燈蛾，髮膚是母氏的，豈敢辭披剃，白髮三千丈，煩
惱一朝除却也。把烏紗拋棄，藍袍脫下，換緇衣簪筍。

換杖錫信吾儒歸宿、別自有菩提、箭腔堪憐是我兒、
純孝真無比為我將妻棄、為我把頭髮來翦去也、又
拋官棄職、身持苦行、做沙彌、從頭至尾、把一場孝行、
總化做慈悲尾聲、從今托鉢街頭去、不怕傍人講是
非、子道臣忠兩不虧、

聽經施米

月雲高、舊愁新病、粧成這光景、寂寞簾櫳下、零亂梧
桐影、獨步中庭、有恨無人省、緣斷情難斷、睡醒愁難
醒、滿眼秋光、在畫屏、人隔重樓十二層、

孝順歌、蓮花藏貝葉、經空房、苦心難自明、藕斷有絲

傳書寄髮

玉胞肚雲箋一紙是老年人挑燈寫的字模糊半污
啼痕眼昏花未寫先迷叮嚀須記沉浮莫作豫章書
手自緘封付鯉魚前腔只有青絲一縷是孩兒昨朝
剪的毀髮膚總為慈親也應付結髮賢妻他蓬鬆雲
髻白頭吟罷苦低垂好繫紅絲作髮兒前腔他是高
門甲第見垂簾深深院宇那裙釵果有慈悲便令人
喚住闍黎我談禪說偈須臾點破六塵迷袖滿齋糧
飯滿盃

泣顏回不覺泪沾衣只因你把舊恨重題我與你同

心並蒂，怎知道對面天涯。心成死灰，那音聲怎入得
圓通。且算將來是水月空花，當不得死別生離。推拍
從別後，姑東婦西，况滿路烽烟鼓鼙。空勞人夢思身
在高堂，夢繞深閨。夢裡相逢，又不多時。合傳書信只
怕差池。魚鴻路莫教迷。一撮棹吾今去，將書致羅幃。
他懸望相逢，問消息。若持髮與他，必轉悲啼。他思歸
計，羈身似觸藩羝。合天畱意，征人去不歸，再完成姑
婦與夫妻。

得書見髮

小桃紅漫憐結髮，追想從前，自舉梁鴻案也。努力操

箕帚勉強主頻驚，朝夕裏奉慈顏，爭知道遇烽烟，缺
朝餐，將奴換也。一旦把綢繆輕拆散，想你潘髻愁邊，
應有二毛添。下山虎新愁何限，對面無緣，誰道天涯
遠。天涯眼前，說甚麼花落重開，那裡月缺再圓。如今
兩下追思，各惘然，漫說銀河限，牛女睽離，只隔年，人
世空相見，終成斷絃，常作參商霄漢間。蠻牌令媳婦
自開展，我拭泪寫花牋，只道你出門旬日返，爭知道
去不還，寄盤餐實難下咽，思孝婦望眼空穿，我孩兒
祝髮入禪，暫乞食供養衰年，前腔稽首謝雲翰，墨跡
未曾乾，捧誦分明如見面，恨不得拜堂前，越教人愁

腸九轉，怎禁得痛。淚雙懸，覷操觚。蠅頭朗然可卜他。
鶴筭綿綿尾聲，兩眉愁向誰舒展。人生相見是何年，
腸斷籠裏籠前。

達磨渡江

錦纏道論功德，待會靈山把大乘演什，無由運神力。
誰曾見紫磨金色，那外六塵內六根，中間六識，那裡
去敲觸體，使耆婆尋覓法輪轉，西域傳心印，被誌公
指摘，如今須幻跡，向嵩山少林面壁，看妙圓淨智自
空寂。普天樂，算慈航非難覓，縱一葦如雙鳥，駕靈鷲
不待鵲梁跨，降龍度越鮫室，凌波瞬息料御風兩袖。

可比六翮(古輪臺)仗佛力江豚吹浪盡藏匿那柴兒
天塹限南北風恬浪靜穩步中流任禹門平地三汲
大海無邊自在菩薩看大千世界一飛錫多少升沉
好似那來往潮汐楚漢烏江曹劉赤壁桑田滄海何
處訪陳跡從前事須知一笑也不值(尾聲)樓船入望
雲帆集又是一場白駒過隙只說道江上相逢無紙筆

葛衣記

尼菴蓮鬘

降黃龍紺殿高明三世莊嚴四禪清淨攝衣拜禮把
心香一縷上參禪定椿庭亡靈不昧仗佛力早昇仙

境願萱親慈顏無恙永祝遐齡前腔遠祈姻事功名
願效雙鷄早沾一命眼前因果看祇園片石三生為
証虹旌金田玉鉢想見青蓮搖影把繡幡一掛供養
香燈太平令藍縷堪憎無賴兒郎忒任情嬌姿豔質
閨中艷你不引避強逢迎前腔直恁無情虎勢狐張
威橫行伊家瓜葛相親並休得似外人輕滾遍何須
苦鬪爭何須苦鬪爭莫把兇威逞我世誼通家豈可
相凌逼小僕無知一時廝挺休得要生怒嗔且姑含
忍前腔公子且畱停公子且畱停一言須聽稟衣敝
身單便不相欽敬論閨閣高門由來廝稱金蘭契膠

漆盟豈同萍梗餘文無端邂逅相爭競須把親情自
忖你切莫倚富輕貧棄舊盟

到既渝盟

八聲甘州窮酸劣相向人前露出藍縷行藏遭人譏
謗可不辱抹門牆須知貧者士之常百結懸鶉也不
妨參詳笑喬才忒恁猖狂前腔斟量論門楣氣象也
須郎才女貌相當看你形同廝養怎做得相府東床
絲蘿契合原非強為甚把金石交情一旦忘乖張羞
殺你敗壞綱常解三醒俺公相雖是冰清樂廣你怎
做得玉潤衛郎狂言廝挺真無狀寫休書不必商量

丈夫志氣雲霄上，斥鷃翻來笑鳳翔。休閒講看失林窮鳥，怎效鸞鳳前腔。俺小姐是蘭閨嬌養，怎禁得蓬戶淒涼。洞房花燭成虛想，這牛女須做參商。驀然尺水波一丈，却不道海水難將升斗量。休閒講似浮鷗逐浪，怎配鴛鴦。

葛衣躡雪

山坡羊。想當時許多親愛，到如今驀然更改。惡狠狠如狼似豺，好教我恨悠悠不斷。如江海謾自猜，他無端溺死灰。想梧桐吹倒，自有傷人在。世變星移，人情物態傷懷。蘭茵深交在哉，堪哀宿莽荒榛土一堆。

前腔疎刺刺寒林風擺撲簌簌雪花無賴亂紛紛似
堆積悶壞密匝匝似愁鎖圍難解命運該偏遭顛仆
灾綈袍戀戀古道今難再謾自躊躇誰來瞅眯徘徊
十謁朱門九不開尅尅似撥盡寒爐一夜灰前腔嘆
不肖一家狼狽論遺編五車猶在念寡母筮筮在堂
柰三食菽水猶魑魍事不諧誰知是禍胎把潘楊舊
契都頽敗秦晉深盟變做張陳冤債塵埃似雪壓梅
花凍不開春臺似動地東風雪後來琥珀黃鸝先生
貴賤天自有安排你覆雨翻雲真世態他白楊宿草
掩泉臺分開那些箇千金一諾仗義與疎財前腔徘徊

生向外古來題。娘言偏是爹言見非。四德三從在那
裡。爹行強執意難違。情願喪溝渠也。落得芳名耿耿。
古今垂。胡言只當風過耳。休凌逼。難道是任家婦做
賈家妻。

到氏矢節

五更轉步未移。魂先喪。脫下綺羅裳。輕啓門兒早赴
清溪上。定省晨昏。有誰人侍養。到冥司。須要把姻盟
講。非干薄倖。只為遭魔障。誰知平地風波。斷送在蹴
天風浪。香柳娘怕林梢曙光。怕林梢曙光。鄰雞初唱。
急煎煎體怯行不上。盼秦淮路長。盼秦淮路長。霧氣

接微茫、濤聲隔林莽、痛捐生斷腸、痛捐生斷腸、抱石
沉江、與曹娥相傍、前腔我女兒在那廂、我女兒在那
廂、疾忙追上、想逶迤尚在清溪傍、洒血泪兩行、洒血
泪兩行、他殉節實堪傷、教娘怎撇樣、願神明主張、願
神明主張、使路阻蒼茫、免沉波浪、

繡衣郎你向空門暫且依栖、苦盡甘來自有時、你還
把禪關深閉、松陰花影相遮蔽、倘任郎奮跡雲衢、也
不在投淵節義、管祇林種成連理、前腔咏柏舟三復
毛詩、似勁幹凌霜操怎移、旣蒙週庇、願披緇祝髮相
隨侍、自甘心獨守鸞孤、再休題重諧鳳侶、向叢林何

心連理前腔且寬心休鎖愁眉珠樹雙栖會有期只
是苦空滋味香燈早晚相依倚又何須祝髮披緇已
叅透禪機妙旨管瓊枝重生連理

薦亡知信

江兒水只道你生離近誰知死別遙捐生就死全節
孝紅顏綠髻方年少銜冤早上黃泉道越添我憂懷
懊惱只因歸妹愆期斷送了好逑偕老五供養衷情
哀告只為家寒濡滯挑天無緣備伉儷有恨逐波濤
堪憐窈窕被父逼沉淵全操也須資佛力超度出江
潮一縷盟香上干洪造玉胞肚出門祈禱轉教人心

頭火燒全不顧父子恩情，那些兒故舊相交，欺貧逞富，無端平地起波濤。轉眼之間，忘久要（玉交枝）禪房深窈，閉蘿關，何人漫敵，多應檀越誰來到。前後殿快把香燒，心懷悲怨，要通九霄，手持文疏，通三寶，願薦拔亡魂，早起草短，疏煩伊細抄（川撥棹）休煩惱，管愁懷頃刻消。自那時潛出江臯，自那時潛出江臯，那到夫人連忙趕着，勸他歸，不可邀，已將他藏過了（尾聲）一番真話開懷抱，兩下恩情在這遭，榮歸有日會合非遙。

到氏展疏

好事近不覺泪雙垂頓教人腸斷魂飛鏡中兒女未
承顏親侍慈幃須知到底是綢繆恩義這幾行兒書
寫的無遺誰知奴身在此把死生姑婦做了跬步天
涯(榴花泣)追思當日寫休書明知是已生離猛拚魚
腹葬微軀不道母親追勸救取到今日貞心怎移把
休書塗抹還他去縱檀郎要別娶嬌姿算萱堂怎肯
拋棄(摧拍)將書去前言莫題留文疏時常展舒我心
事你知我心事你知身在禪林心戀親幃慈孝成雙
節義無虧傳信息切莫疎虞休得使外人疑

孝標議姻

北新水令想益州當日論絕交到如今幾場堪笑范
張何款款班尹恁陶陶競毛羽錐刀怎比得草蟲鳴
雕虎嘯南步步嬌新盟舊約都休道萬事渾難料雄
心病裡消着甚來由把人奚落白髮已蕭蕭乖張兒
女難倚靠北折桂令莽賓朋自把門敲他獨坐空齋
憑几無聊記當初山澤遊遨到如今踪跡參商只為
人品低高他生擦擦轉眼朱蕭急煎煎翻手波濤天
網恢恢不漏分毫因此上雙眼糊塗怎做得擊筑名
高南江兒水聽這話添焦躁何人把我朝應門人呼
喚都不到久無佳客相傾倒惡賓何事相譏誚快把

我門開看分曉，有甚人敲好。一似劉郎聲調，北雁兒落帶得勝念，還虧你認的。咱是劉孝標，竟不念任彥升墳宿草，把司馬子一旦兒拋。穀臣兒都丟了，貌諸孤夕且不謀朝，貧相如緣分薄。盲祖珽機關巧，猶兀自強粧喬，難敵孟嘗門深閉着。難敵翟公門牢閉着。南僥僥令，舊嫌捐棄爽。新喜近天桃，弱息依然如再造。願續前盟，把箕箒操。願續前盟，把箕箒操。北收江南呀，料伊家情願續鸞膠。怕他們未肯渡鵲橋，我也願效些兒水上勞。只怕又羞慚了月下老。後生家氣豪，後生家氣豪。怎肯將一雙鸞鳳拜鴟梟。南園林好念

老妻不忘久要，念小女貞節自操，更須念病夫年老。
好撮合，死生交，好撮合，死生交。北沽美酒帶太平令
不須要絮叨叨，不須要絮叨叨，須成就恁兒曹。想坦
腹義之不計較，伊衛玠我能叨，非意相干應遣了。把
怨恨做成歡樂，趙元叔不須窮計，嵇叔夜謾來聒噪。
勢交更有那談交，賄交與窮交量交，呀，都付與少文。
清嘯南尾聲，佳期須卜紅鸞照。節義還應綵鳳褒，不
羨秦樓弄玉簫。

新刻羣音類選卷十三